

UMnyango Wezemisebenzi Yomphakathi KwaZulu-Natali ubuyingxenye Yemidlalo Ehlanganisa iMinyango kaHulumeni ebibanjelwe ezinkundleni zemidlalo i-Vlei Sport complex e-Richards Bay mhla ziye-19 kuya zingama-20 kuNhaba wezi-2017.

Le midlalo yayenganyelwe futhi ihlelwe nguMnyango Wezemidlalo Nokungebeleka ngokubambisana neHHovisi likaNdunankulu.

Ukuqhubeka kokuzibandakanya kwabasebenzi bakahulumeni kwezemidlalo kwasukela ekhweleni elahlatshwa yilowo owayenguNdunankulu Wesifundazwe saKwaZulu-Natali phambilini, uDkt. ZL Mkhize ngesikhathi le midlalo yethulwa ngokusemthethweni ngonyaka wezi-2009, nokuyilapho agcizelela khona ukuthi 'le midlalo kumele isingathwe minyaka yonke'.

Inhloso yale midlalo isuselwe ohlelweni lwesifundazwe olubizwa nge- 'Work and Play' Wellness Programme okuhumusheka ngokuthi 'Sebenza ubuye Udlale' olugqugquzela bonke abasebenzi bakahulumeni ukuba bahlale bezivocavoca futhi balandele indlelampo efanele.

UPhiko lwethu olubhekele Ezempilo kanye Nenhlalakahle Yabasebenzi yilona-ke olusingethe lezi zinhlelo eMnyangweni wethu, nokuyinto egqugquzela abasebenzi ukuba bazigcine bephilile.

Lokhu kubaluleke kakhulu kubasebenzi bakahulumeni kwazise phela uma bezinikeza isikhathi sokudlala lokho kwenza benze umsebenzi omuhle noncomekayo nsuku zonke.

IMinyango ibinabayimele emidlalweni enhlobonhlobo okuyibhola lezinyawo (labesilisa



Abasebenzi boMnyango Wezemisebenzi Yomphakathi bekhuzi izaga zokukhомуza abadlali.
Isithombe: NOKWANDA MAKHANYA

Abomnyango weZemisebenzi Yomphakathi benze ezibukwayo Emidlalweni ehlanganisa imiNyango kaHulumeni

nabesifazane), ibhola lomnqakiswano, i-volleyball, Umdonsiswano Wentambo, ama-athletics kanye nemidlalo yesintu. Sibonga uphiko olubhekele Ezempilo kanye Nenhlalakahle Yabasebenzi eMnyangweni, okuyilona olwenze umsebenzi

oncomekayo ngokunikeza abasebenzi ithuba lokuba babe yingxenye yale midlalo. Yize sazi ukuthi kunanoma yimiphi imidlalo kumele kube khona abanqobayo nabehlulwayo, kodwa kule midlalo imiphumela ayiqinqindanga inhloko,

intokozo kanye nenjabulo yezibukeli ngokunjalo neyabadlali. Kuyancomeka kakhulu ukuthi sekuze kwaba yiminyaka eyisishiyagalombili iSifundazwe saKwaZulu-Natali sisingatha ngempumelelo le midlalo yaminyaka yonke ehlanganisa

yonke iMinyango kahulumeni. Impela, lokhu kuyimpumelelo enkulu yesifundazwe ekugqugquzeleni ubudlelwano obuhle phakathi kwabasebenzi bakahulumeni.

Sihalalisela abasebenzi boMnyango Wezemisebenzi Yomphakathi ngokusebenza ngokuzikhandla kanye nokuzinikela kwabo ekulungiseleleni nasekubambeni iqhaza kule midlalo. Kwenziwa ngomoya wokutshala 'uzwano nobungani' ukugqugquzela bonke abasebenzi kanye nalabo abasanda kufika eMnyangweni Wezemisebenzi Yomphakathi ukuze nabo babambe iqhaza kule midlalo eminyakeni ezayo.

Le midlalo ayigcinanga nje kuphela ngokunikeza abasebenzi ithuba lokuba bake bashaywe umoya, kepha yaphinde yavuselela imimoya yabaningi futhi kwakheka nobungani obungasoze baphela.

"Inhloso yale midlalo isuselwe ohlelweni lwesifundazwe olubizwa nge- 'Work and Play' Wellness Programme okuhumusheka ngokuthi 'Sebenza ubuye Udlale'"